

Лекционн кōдлмш мана совхозд

Күч-кōлсчир дунд политическ цāялгъврин кōдлмш делгрүллгънд лекционн пропагандин чинрнь йир ик. Энүг тоолад, совхозин эклц партийн организац кōдлмшчир дунд лекцс умшдж өглгънд оньган тусхадж йовна.

Партийн организацд политическ болн научн медрл тархалгъна обществин аньгарси бāанā. Энүнд 12 кун членд негдцхāв. Эдн—сургуулин багшчир, эмчир, селāнā эдл-ахун специалистчир.

Маньческ долан джилā школин багш-лектор үр Н. В. Вязников лекционн кōдлмшт шунмгъагар орлцна. Эн научн медрлин төрмүдәр нургълдж лекцс умшна. „Советск искусствени дахуль“ гисн лекцс умшснь олн кōдлмшчирт ик соньн, тааста болв.

Тасрлтан угагъар лекцс умшдг улсин тоод школин директор үр Қ. А. Бекмурзин, совхозин зоотехник үр В. Ш. Чудутов, ах агроном үр И. Г. Шулумов—эдниг бас заах кергтā. Эдн нарт делкән болн мана орн-нутгин дотр-дундин төрмүдәр доклад, лекцс кецхāнā.

Давси джилин эргцд совхозд 100-гар лекц, доклад,

күүндвр кеглснд 5000-шаху сонъсачир орлцв.

Мана совхозд сүүлин цагт районас болн таньгъчас цигн лектормуд ирдж кесг тааста лекцс умшцхав.

КПСС-н таньгъчин комитетин лектор үр М. Харцхаевин кесн „СССР-н келн-āмтнā иньгллгън“ гидг лекцд ик олн улс цуглрдж, оньган тāvдж сонъсцхав. „Хальмг келн-āмтнā тууджин болн эдлджāх газр-усня тускар“ лекц КПСС-н таньгъчин комитетин сеглāтр үр Б. О. Джимбинов умшсн, 200-гар кун сонъсцхав. КПСС-н Яшкульск райкомин кōдлāч үр Г. И. Аттаринов совхозин фермсин кōдлāчирт кесг дакдж, нарт делкән бāадлин туск төрмүдәр лекцс умшдж өгв.

Олн-āмтнā заргъ суньгългън болхд района прокурор үр Карсаев, олн-āмтнā заргъч үр Багдыков суньгъачирт Советск Конституцин болн нань чигн төрмүдәр лекцс умшцхав.

Лекционн кōдлмш олн кōдлмшчир дунд политическ цāялгъвр келгъиг ясрулхд ик демāн күргдж йовна. Энүнā ашднь совхозин цуг производствени кōдлмшнь ясрдж йовна.

Болв лекционн пропаганд келгънд дуту-дунд чигн бāанā. Хōбчир, малчир дунд лекцс ода чигн цōбнār умшгдна. Ода кōдлмшин гүджрмгинь эдн күцāдж йовх цагт эднүр ик оньг тусх зōвтā. Совхозин эклц партийн организац лекционн кōдлмшин шин зура батлсн, терүндāн хōбчир, малчир дунд лекц, доклад кех тодрха керг темдглсн, ода күцāдж йовна.

СССР-н Деед Советин өбнин сессин дуудвр, коммунистическ болн кōдлмшч партьсин Совещанā Декларац болн Манифест цāялгъдж өглгънā кōдлмш ода делгү кеглдж йовна. Тегād совхозин кōдлāчирин политическ болн производствени шунмгъань өсцж, мал үвлзүллгъиг бүрдāмджтā кевār кехд оньгнь тусджана. Хōбчир И. Д. Узаров, С. Убушаев, М. Буллагиров, А. Насунов өбдāн ик даалгъвр авсн, терүгāн чидлāн нōлго күцāдж йовцхāнā.

Лекционн пропагандт өгдг оньган сулдхлго, эн кōдлмшиг улм өргджүлдж, чинринь өбдлүлх мана эрки төр болджана.

М. МОЛОДЕЦ,

108-ч совхозин партбюрон сеглāтр.